



COMUNE DE MONTELEONE

Provìntzia de Tàtari

Deliberatzione de sa Giunta Comunale

N° 14 de su 13.01.2021

OGETU: Aprovatzione proposta de progetu pro sa partetzipatzione a s'avisu pùblicu de su MIBACT "Borghi in festival" – Adesione tra su comune de Monteleone, sa s.r.l.s Brexian e s'Assòtziu "Maracò" pro sa redatzione de unu progetu cumpartzidu: "DiaLOGUS".

S'annu duamìgia bintiuunu, sa die bintiduos de su mese de Ghennàrgiu, in Monteleone, in sa sala de sas Adunàntzias, a sas **13:00**, s'est reunida sa Giunta Comunale.

Fatu s'apellu resurtant:

MASALA ANTONELLO	SÌNDIGU	P
SOTGIA DANIELA	ASSESSORA	P
GONNELLA SILVIA	ASSESSORA	P
MANAI GIOVANNI BATTISTA	ASSESSORE	A

Presentes n. 3 totale ausentes n. 1

Partètzipat a sa setziada su SEGRETÀRIU COMUNALE Silvia Sonnu, cun funtziones consultivas, referentes, de assistèntzia e verbalizatzione.

SU SÌNDIGU ANTONELLO MASALA, in sa calidade sua de presidente, averiguadu su nùmeru legale de sos interbènnidos, decrarat aberta sa setziada e invitat sos cumbènnidos a deliberare subra de s'ogetu subra indicadu.

Aprovatzione proposta de progetu pro sa partetzipatzione a s'avisu pùblicu de su MIBACT "Borghi in festival" – Adesione tra su comune de Monteleone, sa S.R.L.S Brexian e s'Assòtziu "Maraco" pro sa redatzione de unu progetu cumpartzidu: "DiaLOGUS".

SA GIUNTA COMUNALE

IN ABERTURA de setziada si dat atu chi sa matessi benit acumprida a manera partziale in vèdeucunferèntzia, cun sa presèntzia in sede de su segretàriu comunale, Dot.ra Silvia Sonnu, e de su Sìndigu, e cullegados in modalidade vèdeucunferèntzia in cantu no ant sa possibilidade de interbènnere, sos señores Gonnella Silvia e Manai Giovanni Battista (Assessores), comente istabilidu in cunforma a su decretu de su Sìndigu n. 4 de su 05.11.2020.

BIDA sa Lege 6 de santugaine de su 2017, n. 158 Mesuras pro su sustennu e sa valorizatzione de sos comunes minores, e puru dispositziones pro torrare a cualificare e recùperu de sos tzentros istòricos de sos matessis comunes;

BIDU s'Acordu tra sa Direzione Generale Creatività Contemporanea e sa Direzione Generale Turismo (de s'ighidu sas Diretziones Generales) n. 09 de su 14 de santugaine de su 2020;

Bida sa Diretiva n. 555 de su 2 de nadale de su 2016, *2017 Anno dei Borghi Italiani*, de su Ministru de sos Benes e de sas Atividaddes Culturales e de su Turismo;

BIDU su Pianu Istratègicu de su Turismo 2017-2022 (de s'ighidu PST), aprovalu su 17 de freàrgiu de su 2017 dae su Consìgiu de sos Ministros, chi individuatu sos sèberos istratègicos de s'Itàlia pro sos ses annos imbenientes fundende.los subra de su rinnovamentu e ismannamentu de s'oferta turistica de sas destinatziones istratègicas e subra de sa valorizatzione de obietivos noos e produtos noos, pro acrèschere su benèssere econòmicu, sotziale, sustenibile de sos territòrios e torrare a propònnerre gasi sa *leadership* de s'Itàlia in su mercadu turisticu internatzionale;

BIDU, in particolare, s'obietivu generale "A" de su PST, Innovare, ispetzializare e integrare s'oferta natzionale, e s'atzione relativa A.2.3., Sustennu a s'isvilupu turisticu de destinatziones emergentes comente Tzitades de arte e Burgos Italianos;

BIDU su D.M. n. 275 de s'8 de làmpadas de su 2020, chi *cuntenit Atu de indiritzu chi pertocat s'individuatzione de sas prioridades políticas de realizare in s'annu 2020 e pro su triènniu 2020-2022*, in particolare sa Prioridade II.4 puntu 16 finalizada a "sustènnere sa ricualificatzione e su recùperu de sas periferias urbanas e de sas àreas degradadas pro mèdiu de sa cultura e sa promotzione de sas impresas culturales e ricreativas"; sa prioridade IV.2 puntu 3, finalizada a "ativare un'eficatzione interatzione tra políticas de su turismu e valorizatzione de su patrimoniu culturale, in particolare pro cantu pertocat sas àreas a fruitzione turistica minore, sos burgos e sas àreas internas, puru in giunghimentu cun sos entes territoriales, pro mèdiu de s'isvilupu de

itineràrios turísticos-culturales indirizados a favorèssere sa fruitzione de sos logos de etzellèntzia paesagística”;

CUNSIDERADA sa comunicatzione *Una agenda europea noa pro sa cultura*, COM (2018) 267, chi individuàt una sèrie de interventos pro fàghere de sa cultura unu fattore de coesione sotziale, crèschida econòmica e relatziones internatzionales bonas;

CUNSIDERADAS chi sas Congruídas de su Consìgiu de Europa subra de su pianu de traballu pro sa cultura 2019-2022 (2018/C 460/10) chi ponent s’atzentu subra de sa cultura comente mèdiu de isvilupu sotziale e econòmicu sustenibile, e puru de coesione e benèssere, subra de s’importàntzia de sa promotzione de sa creatividade de sas comunidades e s’interessamentu responsàbile issoro, subra de sa produtzione culturale e subra de sa gestione de su patrimoniu culturale;

CUNSIDERADA sa Cunventzione de Faro de su 27 de santugaine de su 2005, aprovada su 23 de cabudanni de su 2020, chi cuntènit dispositziones subra de su balore de s’eredidade culturale e su reconnoschimentu de s’impreu sustenibile suo pro s’isvilupu umanu e sa calidade de sa vida;

CUNSIDERADU chi sa DG Creatività Contemporanea at, intre sos obietivos suos, cussu de promòvere e sustènnere s’arte e s’architettura contemporàneas, e puru de sustènnere sas impresas culturales e creativas e de promòvere interventos de rigeneratzione urbana;

CUNSIDERADU chi sa DG Turismo faghet funtziones e còmputos in matèria de turismu e, pro cussu, contivìgiat sa programmatzione, su coordinamentu e sa promotzione de sas polìticas turísticas natzionales, sos raportos cun sas Regiones e sos progetos de isvilupu de su setore turisticu, sas relatziones cun s’Unione europea e internatzionales in matèria de turismu e sos raportos cun sos assòtzios de categoria e sas impresas turísticas;

TENTU CONTU de s’importàntzia de sustènnere progetos e iniziative, fundados subra de sa promotzione de sa cultura, de su diàlogu intre culturale e sotziale, chi favoressent sa valorizatzione de sas pluralidades e diversidades de sas comunidades locales e s’inclusiones e coesione sotziale;

BIDU su Bandu “BORGHI IN FESTIVAL” promòvidu dae su MIBACT (su Ministèriu pro sos benes e sas atividades culturales e pro su turismu) pro sa rigeneratzione culturale, turistica e econòmicu-sotziale de sos Comunes minores;

CUNSIDERADU chi:

1. su Comune de Monteleone intendet presentare proposta de finantziamentu pro mèdiu de acordu tra su Comune de Monteleone, sa s.r.l.s. Brexian e s’Assòtziu locale “Maracò”;
2. sa manifestatzione denumendada “DiaLOGUS” previdit, in prus de tantas àteras iniziative, de sas tàulas tundas chi permitant de irrichire sa connoschèntzia de s’istòria de unu burgu antigu e de su territòriu suo dae sos Doria a sas dies nostras, dae sos iscritos de Dante a sos

contos de Grazia Deledda;

3. su Festival at a èssere articuladu in tàulas tundas cun sa partetzipazione de istudiosos e espertos, presentatziones libràrias, laboratòrios dedicados a sos prus minores e ispetàculos musicales pro a su nessi bator eventos a sa die. Ant a fàghere de cornitze, in sas carreras de su burgu, ispetàculos de artistas de istrada e atratziones enogastronòmicas cun produtos de su territòriu;
4. su festivale previdit 3 dies de programmatzione in sas pratza de su burgu:
 - Pratza Convento;
 - Pratza Santo Stefano;
 - Pratza Sant'Antonio;
 - Carrela Manna (Carrera Doria)
 - S'Arena (Gava "su Giardinu").

CUNSIDERADU chi si in casu mai su progetu bèngiat finantziadu dae su Ministèriu, su comune de Monteleone intendet cumpartetzipare pro mèdiu de unu cofinanziamentu paris a su 20% de s'importu complessivu de su quadru econòmicu de progetu, de individuare in sas resursas de Bilàntziu 2021-2023;

APRETZIADU de aprovare su progetu allegadu a sa presente cun su quadru econòmicu relativu;

ACHISIDOS sos parres favorèvoles dados in cunforma a s'art. 49 de su d.lgs. n. 267/2000 e mm.ii.ii. ;

Cun votazione de acordu favorèvole de sos presentes,

DELÌBERAT

Sas premissas narrative faghent parte sustanziale de s'atu presente:

DE APROVARE sa partetzipazione de su Comune de Monteleone a su Progetu MIBACT – Borghi in Festival, cun acordu tra su Comune de Monteleone, sa s.r.l.s. Brexian e Assòtziu locale "Maracò";

DE APROVARE su progetu relativu a s'Avisu Pùblicu promòvidu dae su MIBACT (su Ministèriu pro sos benes e sas atividades culturales e pro su turismu) pro sa rigeneratzione culturale, turistica e econòmicu- sotziale de sos Comunes minores denumendadu "DiaLOGUS";

DE PREVIDIRE, si in casu mai su progetu bèngiat finantziadu dae su Ministèriu, unu cofianziamentu paris a su 20% de s'importu complessivu de su quadru econòmicu de progetu de individuare in sas resursas de Bilàntziu 2021-2023;

DE INCARRIGARE sos Responsàbiles de sos servìtzios pro sos acumprimentos gestionales

cunsighentes, ognunu pro sas cumpetèntzias pròpias;

DE DARE ATU chi pro s'urgèntzia, cun separada e de acordu votatzione esprimida in sos modos de lege, in cunforma a s'art. 134 comma 4 DE SU d.Lgs. 267/2000, si declarat s'atu presente esecutàbile a manera immediata;

IN ÒRDINE A SA REGULARIDADE TÈCNICA si esprimitt parre Favorèvole

Su Responsàbile

F.du Antonello Masala

SU PRESIDENTE

F.du Antonello Masala

SU SEGRETÀRIU COMUNALE

F.du Silvia Sonnu

Tzertìfìco chi còpia cunforme de su verbale presente benit publicada dae su _____ pro 15 dies a fila in su situ istituzionale de custu Comune cun progressivu de publicatzione n. , atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU

F.du

Sa deliberatzione presente est divènnida esecutiva:

Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone,

Su Responsàbile de sa Publicatzione

F.du

Tradutzione de s'operadora de s'isportellu linguisticu de Monteleone

Maria Leonarda Correddu